

细个嘅时候,我哋都会有爱不释手的玩具。随年渐长,我哋接触嘅世界越来越大,但心底依然有个中意玩耍嘅小朋友。边个话大个之后,就唔再适合玩公仔嘅? 今期 COLOR 就发掘咗两间风格不一嘅童趣小店,带大家睇下营役嘅生活里面,寻回做小朋友嘅乐趣!

彭琳、实习生 许家铃 / 文、图
彭琳、实习生 许家铃、受访者提供 / 图
零零 / 模特

我有玩具,你有故事吗?

一人有一个梦想

一人有一个梦想,店主钱小姐嘅梦想就係开一间玩具店。细个嘅时候爸爸妈妈出门,带返嚟嘅礼物都係好得意嘅公仔,令到钱小姐细个就有收藏玩具嘅习惯,亦令梦想变得更加坚定。同大家一样,钱小姐嘅童年梦乐园入面,有识跳舞嘅唐老鸭、一齐跳舞嘅米奇和米妮、唔想返学嘅樱桃小丸子……估唔到嘅係,钱小姐就係因为一对胶面嘅米奇米妮“入坑”,而家已经成为两间“大儿童乐园”嘅店主,可以同大家一齐 keep 住呢份童真,分享更多嘅快乐!



店内见到公仔就会忍不住打卡

呢一车公仔总有一款啱你心水

大朋友,嚟拾回儿时趣味!



各式趣怪公仔



有啲古董娃娃係非卖品



古董玩具、胶脸娃娃手机壳

得意“私窠”日啡晚 Bar



外墙涂鸦墙动抢眼

私窠变蒲点

喺国内潮玩界颇有名气嘅厂牌 HEY JOY, 主理人 X 爷本身就係咖啡爱好者,呢度嘅创立,就因为 X 爷住喺係个公区,打造一个可以畀员工 chill 住叹嘅私窠。不过呢度并非放咗咗玻璃窗、渐变嘅彩色玻璃窗、砖红嘅内墙、幻变嘅灯光颜色,装修风格复古得嚟又够晒色彩缤纷,喺老街当中相当显眼,慢慢成为咗唔少后生仔嘅新蒲点! 私窠难得有人和应, X 爷亦顺势加推夜场,实行日头叹啡,夜晚啤一啤(啤酒)! café 同酒吧间自由切换。



店内展出嘅潮玩,全部都係主理人嘅珍藏

潮玩创意满载

对于一班童心未泯嘅大儿童而言,潮玩世界或者就係童心嘅延续。马利奥、阿童木、米奇、奥特曼……係店内随处可见嘅潮玩,当中仲有唔少 X 爷珍藏嘅限量版。价值不菲仍然众所同好,为嘅就係令更多人可以沉浸其中,收获满满嘅乐趣。除此之外,呢度仲有伊藤润二嘅全套漫画,铺满成面墙! 挑战“恐怖耐力”嘅漫画书,复古电视机模型,奇趣得意嘅潮玩……风格各异嘅摆设,便交织出一个创意十足、随你想象嘅小天地。

随时有惊喜

喺呢间店入面,目光所及嘅每一个角落都可以发现惊喜。古董娃娃、牛奶妹、史迪仔、天线宝宝固然係店里的角色,但除咗公仔之外,大儿童乐园仲有好多有趣嘅小物件。例如可以随身携带作为衣服、手袋配饰嘅白雪公主、小熊维尼徽章,细细只但就可以作为衣物嘅点缀。扮靓靚又点可以少咗手机嗰份? 而家啲人成日机不离手,大儿童乐园就顺势推出以古董玩具、胶脸娃娃为创作背景的手机壳,热爱玩具嘅你就唔好错过呢啲文创周边啦! 琳琅满目嘅公仔堆入面藏着一排古着,复古风格嘅连衣裙、卡通大头印花 T 恤,色彩缤纷,夏日休闲 look 帮你安排好晒!



小熊维尼的专属角落



复古电视机的摆位,同动画中的场景相像



饮品价格亲民

HEY JOY·COFFEE&BAR

营业时间:
咖啡:09:00-17:00
清吧:15:00-24:00
地址:海珠区江南大道中 260 号
蓝天里西门

化骨龙

fa3 gued1 lung4

广府人每次剖生鱼之前,都会先将佢扯落地,原来同“化骨龙”嘅传说有关。“传说以前嘅生鱼,有一类係有脚嘅,如果畀人误食,但体内嘅骨头会融化成血水,所以叫佢做“化骨龙”。呢种生鱼只要被扯落地,就会伸出四只脚,可以避免误食。小朋友嘅食量比较大,咩都食得落肚,以前嘅广府人就用连骨都可以融化嘅“化骨龙”嚟比喻佢哋。而家仲会用“化骨龙”形容细路仔精力充沛,家长们少啲精力都搞佢哋唔掂啊!

造句:“屋企家下多咗件化骨龙,真係搞到我头都大!”

心肝掙

sem1 gon1 ding3

广府人俗语有“心肝掙,蜜糖埋”,用于代指最疼嘅小朋友。“心肝掙”中嘅“掙”,本字係“蒂”,即瓜果同枝蔓相连处。“蒂”本身应该读成 dei3,但被后人转读成 ding3,结果注音时就写成“掙”。“掙”同“蒂”嘅意思相同,指绑住船嘅石墩或铁锚。“蒂”係瓜果输送营养上不可或缺一部分,同理,心肝上嘅“蒂”亦都意义非凡。

造句:“个仔係我心肝掙,为咗佢戒烟戒酒都有问题!”

化骨龙 OR 心肝掙? 你係边款细蚊仔?

彭琳、实习生 许家铃 / 文
彭琳 / 图
等等、许家铃 / 模特

对于自己屋企嗰位细蚊仔,唔少家长中意用“化骨龙”、“心肝掙”去称呼佢哋。呢啲咁生鬼嘅粤语词汇,大家听就听得咁多,唔知佢哋背后嘅故事你又知几多? 各位“化骨龙”快啲嚟学吓啦!

吟潜

ngem4 cem3

呢个词广府人会用嚟形容人哋长气、讲嘢啰嗦,大家成日讲,但未必识写!“吟”呢个字係多音字,“吟潜”里面读成 ngem4,如果係“吟诗”就读 yem4。“潜”意思係坏话。两个字合理一齐,字面意思係落人哋嘅缺点咁解,到后来,词义衍生,就用嚟形容口水多过茶嘅人。喺广府话入面,啰嗦嘅人仲可以用“潜气”嚟形容。阿爸阿妈有时吟潜两句,其实都係想啲仔女可以听入耳,唔想听长篇大论,大家记得唔好咁曳。

造句:“自从我放假,阿妈日日就对我吟吟潜潜,真係人都嘛!”

精叻

zeng1 leg1

喺广东话当中,“精”形容聪明、机灵,例如“精乖”,係指聪明乖巧;而“叻”係有能干、有本事嘅意思,“叻仔”、“叻女”都係用嚟赞你有本事。“精叻”即係“精”同“叻”嘅结合,可以用嚟形容一个人既聪明又能干。你哋日日喺屋企搞搞震,搞到阿爸阿妈咁激气,搵日做返个听教听话嘅小朋友,吓下佢哋高兴啦!

造句:“陈太你个女真係好精叻喔,次次家长会老师都表扬佢!”

发狼戾

fad3 long1 lai6

坊间写法有好多种,例如“发郎戾”、“发郎厉”,但“发狼戾”先係本字,因为有古文出处印证——《辞源·狼戾》(修订本)里记:“以狼性形容凶残。”但係指突然扭曲事实、戾横扭曲、蛮横无理发脾气嘅举动。“狼戾”呢个词,喺古时就已经存在,“狼”性格凶狠、蛮不讲理,“戾”就係形容唔正常嘅戾横。“戾”字亦係多音字,写作“戾气”、“暴戾”嘅时候,就读成 lei6。同“发烂直”相比,“发狼戾”更加野蛮,而“发烂直”就相对暴力。

造句:“寻日饮茶撞咗张太同佢个仔,睇佢咁老积,一啲都唔似五岁仔。”

造句:“讲多两句唔啱听,屋企嗰只化骨龙就发晒戾,做人父母真难呀!”